



XALQ DEPUTATLARI NISHON TUMAN KENGASHI Q A R O R I

2022 - yil 20 - may

VI-51-87-4-65-K/22

Nishon tuman hokimligi

Tumandagi aholi punktlarining tarkibiy qismlariga yangidan nom berish to'g'risida

O'zbekiston Respublikasining "Geografik ob'ektlarning nomlari to'g'risida"gi Qonuni (*O'zbekiston Respublikasi qonun hujjatlari to'plami, 2011 y., 41-son, 448-modda*) va O'zbekiston Respublikasi Vazirlar Mahkamasining "“Geografik ob'ektlarning nomlari to'g'risida”gi O'zbekiston Respublikasi Qonuniga muvofiq geografik ob'ektlarning nomlari sohasidagi ishlarni tartibga solish chora-tadbirlari haqida” 2012 yil 16 oktyabrdagi 295-son qarori (*O'zbekiston Respublikasi qonun hujjatlari to'plami, 2012 y., 41-42-son, 483-modda*) ijrosini ta'minlash maqsadida geografik ob'ektlarni nomlash va qayta nomlash masalalari bo'yicha viloyat komissiyasining xulosalari va tuman hokimining aholi punktlarining tarkibiy qismlariga yangidan nom berish to'g'risidagi taklifini ko'rib chiqib, "Mahalliy davlat hokimiyati to'g'risida" O'zbekiston Respublikasi Qonunining (*O'zbekiston Respublikasi Oliy Kengashining Axborotnomasi, 1993 y., 9-son, 320-modda*) 6 va 24-moddalariga asosan xalq deputatlari tuman Kengashi,

Q A R O R Q I L A D I:

1. Tuman hokimining tumandagi aholi punktlarining tarkibiy qismlariga yangidan nom berish to'g'risidagi taklifi ma'qullansin.

2. Tumandagi aholi punktlarining yangidan nomlanayotgan tarkibiy qismlari ro'yxati 1-ilovaga muvofiq tasdiqlansin.

3. Tuman statistika bo'limi (E.Bekmurodov), kadastr agentligi Nishon tuman

bo'limi (Yo.Abdishukurov), Kadastrlar palatasi Nishon tuman filiali (A.Sayfullayev), tuman qurilish bo'limi (Sh.Safarov), tuman ichki ishlar bo'limi (Sh.Shokirov), mahalla va oilani qo'llab-quvvatlash bo'limi (Sh.Xujaqulova) hamda boshqa tegishli mutasaddi tashkilotlar bilan birgalikda aholi punktlarining yangidan nomlanayotgan tarkibiy qismlari nomini davlat ro'yxatidan o'tkazish va elektron bazani shakllantirish, ish yuritish hujjatlariga o'zgartirishlar kiritish bilan bog'liq barcha tadbirlarni amalga oshirsinlar.

4.Tuman ichki ishlar bo'limi (Sh.Iskandarov) aholi punktlarining yangidan nomlanayotgan tarkibiy qismlari aholisining fuqarolik pasportlariga, mazkur hudud aks ettirilgan yo'l belgilariga tegishli o'zgartirishlar kiritish ishlarini tashkiliy ravishda amalga oshirsin.

5.Tumandagi fuqarolarning o'zini-o'zi boshqarish organlariga aholi punktlarining tarkibiy qismlari yangidan nomlanayotganligi munosabati bilan aholi o'rtasida keng targ'ibot-tashviqot ishlarini amalga oshirish tavsiya etilsin.

6.Davlat kadastrlari palatasi Nishon tuman filiali (A.Sayfullayev) hamda tuman qurilish bo'limi (Sh.Safarov) larga tuman hududidagi yangidan nomlangan aholi punktlarining tarkibiy qismlari nomlari yozilgan ko'rsatkich va belgilari foydalangan peshlavhalarni zamonaviy dizayn asosida bosqichma-bosqich o'rnatilishini ta'minlash topshirilsin.

7.Mazkur qaror "Nishon tongi"da e'lon qilinsin.

8.Mazkur qaror tuman hokimligining "nishonpress.uz" rasmiy veb-saytiga joylashtirilsin.

9.Mazkur qaror ijrosini taminlash hamda nazorat qilish xalq deputatlari tuman Kengashining Sud-huquq masalalari va korrupsiyaga qarshi kurashish masalalari bo'yicha doimiy komissiyasi raisi S.Egamberdiyev va tuman hokimining o'rinbosari U.Nabiyev zimmlariga yuklatilsin.

10.Mazkur qaror rasman e'lon qilingan kundan boshlab kuchga kiradi.

Kengash raisi



M.K.Xayitmuradov

Xalq deputatlari Nishon tuman
Kengashining
2022 yil 20 maydagi
VI-51-87-4-65-K/22-son qaroriga
1-ilova

Tumandagi aholi punktlarining yangidan nomlanayotgan

tarkibiy qismlari ro'yxati

T/r	Geografik ob'ektning turi	Geografik ob'ekt joylashgan Mahalla nomi	Amaldagi nomi	Yangidan berilayotgan nomi
1	Ko'cha	Navro'z MFY	Abdulla Avloniy	Shahriston
2	Ko'cha	Yoshlar diyori MFY	Abdulla Qodiriy	Bekajon
3	Ko'cha	Balxiyak MFY	Avaz O'tar	Onazamin
4	Ko'cha	Obod MFY	Alisher Navoiy	Mahorat
5	Ko'cha	Paxtakor MFY	Baynalminal	Alvon
6	Ko'cha	Tinchlik MFY	Baraka	Shohizinda
7	Ko'cha	Navbahor MFY	Beruniy	Fidokor
8	Ko'cha	Nuriston MFY	Bog'zor	Karvon
9	Ko'cha	Yaxshilik MFY	Bog'i shamol	Shirinsoy
10	Ko'cha	Shirinobod MFY	Bog'i shamol	Sayido Nasafiy
11	Ko'cha	Obi hayot MFY	Bo'ston	An'ana
12	Ko'cha	Navbahor MFY	Kamolot	Chinnigul
13	Ko'cha	Navbahor MFY	Mash'al	Sadarayhon
14	Ko'cha	Nishon MFY	Xitoy	Oyinni
15	Istirohat bog'i	Yangi Nishon shahri	Nomsiz	Istiqlol
16	Istirohat bog'i	Talimarjon shahri	Nomsiz	Talimarjon